

# OMUKWETU



Registered at the GPO as a Newspaper 30c

No. 19

ISBN 0-620-06828-0

## ELOMBWELO LYA KOLA KAAYEVANGELISTE YA ELOK

**OMBELEWA YOMUMBISOFI MONIIPA, OYA PITITHA OMBILIVE YUUKA KAAYEVANGELISTE YONGELEKI NDJOKA NOKAADIAKONI YAYO AALUMENTU.**

Ombilive otayi thindikile etokolo lyElelo- ngeleki lyomuAguste nuumvo, ndyoka tali pukulula aanashilonga ya tumbulwa nkene ye na okulongitha omizalo dhawo dhopa- shilonga pautho lyOngeleki.

Aanashilonga mbaka oya pukululwa, wo nkene ye na okulongitha nawa omayakulo gawo momalongeloka- lunga.

Omimvo odhindji dha zi ko, aayeva- ngeliste yOngeleki ndjoka, oya kala nomanyenyeto kutya Ongeleki yawo inayi ya longekidhila nando omuzalo omwanawa gwopashilonga shawo.

Oyendji oya tameke nokuli okulongi- tha ohema nothingo yayo ndjoka pautho lyOngeleki onkwaLuther muuyuni, hayi longithwa ashike ku- mboka ya yapulilwa uusitagongalo.

Poompito dhimwe pwa hokololwa no- kuli nkene aayevangeliste yamwe haa longitha elandulathano lyelonge- lokalunga lyopausita moshiyambelo, ndyoka pamautho gOngeleki ndjoka, hali longithwa ashike kumboka ya yapulilwa uusitagongalo.

Onkundathana dhethimbo ele mii- gongi yaasita naayevangeliste, une- ne miigongingeleki, odha falitha Ele-

longeleki li ninge eyelitho moshini- ma shoka kutya:

\* Aayevangeliste naa longithe ashi- ke ohema ontokele nenge yembu- ndu nothingo ndjoka yu uthilwa aayevangeliste.

\* Aadiakoni aalumentu naa longithe ngaa othingo yuuyevangeliste, manga ohema yawo tayi longeki- dhwa moshihondjelo shaELOK.

\* Ayehe aayevangeliste naadiakoni inaa pitikilwa nando okuninga elo- ngelokalunga meni lyowalitali.

“Ayehe otaa indilwa ya vulike keu- tho ndika,” ombilive osho ya ti.

Omalelogongalo agehe, oga indilwa wo ga tonatele elandulathano ndika li dhigininwe pamautho nopakambo- ngeleki.

Sebulon Ekandjo

~~~~~  
*OMumvo nani gwa yi, longekidha manga kuyele etaambo lyoshifo shoye omolwomumvo 1984, twiinekela Kalunga te ke gu tu pa. Ondando inayi lunduluka nando. Ino tokelwa we, waa pitililwe po kiinima. Amushanga gwOmukwetu.*  
~~~~~



Mefano ndika otamu thikama oluvalo lwaasita, yamwe yomumboka ya kala moshigongi shawo mOkahao. Okuza kolulyo; meme Selma Nambundunga, meme Ester Shiyagaya, meme Paulina Ihuhwa, naangoka e li omutumba oye meme Elisabeth Ihuhwa. Ehokololo alihe tala kep. 4.

# Novomba olufo lwa ELOK okudhimbulukwa evalo lya Martin Luther

Ontokolwa 169/1983 yElelongeleki, oya gandja oshimpwiyu kOmbelewa yepatudho lyopakriste, yi longekidhe sha shi ningwe momagongalo gOngeleki yetu mOsoondaha yeti-13.11.1983, omolwoshituthi shoovvula 500 shevalo lyomuyelithi gweitaalo Martin Luther, tashi dhanwa kAakwaluther nuumvo.

1. Pantokolwa ya tumbulwa, ombelewa ya pe-wa oshimpwiyu, otayi indile nesimaneko, opo egongalo lyeni li ninge ngaashi tashi landula:

Hogololelni okangundu kaantu yahamano nenge ye vulithe po, hoka taka longekidha shoka tashi ka etelwa egongalo alihe esiku lya tumbulwa nale.

Shoka otashi vulu okuningwa pashinyandwa nenge pahokololo. Okangundu oke na oshimpwiyu okukonakona iinyolwa tayi landula mpaka;

- a) Okambo "Ependafule lyokuWittenberg" patoloko lya Tatekulu Amakutuwa.
- b) Iinyolwa moshifo shOmukwetu okuza Januali sigo Septemba numvo, mbyoka tayi popi sha kombinga yomuyelithi nguka gweitaalo.

(Talen, ondjokonona yaampoka a kala, e ende, shoka a li nenge yomatungo ge mbika itayi kwatha sha moshinyandwa nenge mehokololo lyesiku ndyoka).

## Uukwaluther muNdowishilanda lyokuuzilo

Elelongeleki lya ELOK, olya li lya tumu omutonatelishitayingeleki shuuninginino omukulu, omusita Jason Amakutuwa, a ka kalele po Ongeleki ndjika miituthi yokudhimbulukwa evalo lyaMartin Luther muEuropa.

Mokugaluka kwe, tatekulu Amakutuwa, manga inaa ya keyakulo lyomokati kaaniilonga mehalakano mUushimba, okwe tu hokololele etalelopo lye hwiyyaka ngaashi tashi landula.

Ongeleki yetu otayi ithanwa naLuther, nando Luther yemwene okwa tile:

"Egoya ngoye, inandi hala Ongeleki tayi lukilwa edhina lyandje."

Aantu oya luku Ongeleki yetu "onkwaLuther", natse otwe shi taamba noitatu shi si ohoni.

Shoshene Aakwaluther oyendji, inaa hala we tayi ithanwa naLuther, onke Ongeleki ndjoka yi li muNdowishilanda, otayi ithanwa ashike "onkwa-evangeli yomuNdowishilanda." Edhila lya Luther olya gwa ko.

Oshituthi oshittiyali shevalo lyomuyelithi gweitaalo, Luther, muNdowishilanda, osha dhanwa muDresden eti-7-10.7.1983.

Omwa li aantu 90.000. Okakololo kehe kehala-ndjandja moshilando shoka, oka li taki inyenge aantu. Aapopi oyo mwene gwoshilongo, aambisofi nOmukatoolika gumwe wo ooyene yoshü-ndingili.

Okangundu onawa ka kale shili ke na omatseho mokulongekidhila esiku ndyoka popi uuteologi — inamu gugunya Luther.

2. Inashi pumbiwa unene kutya mboka ye li iilyo yokangundu oyo wo taa ka etela egongalo shoka sha zi miinyandwa ya tumbulwa, aawe. Otaku vulu okulongekidhwa yalwe mboka taa eta oshinyandwa nenge ehokololo ndyoka.
3. Elalakano hakuyolitha aantu taa pulakene, ihe omuntu kehe a likole uuthiga wa-Luther meitaalo. Onawa egongalo alihe li kale lya leshulula Okatekisa Okashona, iifo yOmukwetu ya tumbulwa naampoka pe na ompito Okatekisa Okanene wo nEpendafule lyokuWittenberg.
4. Omauyelele nomapuloyelitho, onawa u longithe Ombelewashikandjo yi na sha noshinima, opo waa pewe shilwe shaa na oluthithiya.
5. Ongundu yimwe megongalo nayi ilonge eimbilo 168 mEhangano. Egongalo alihe nali pewe wo oompito dhokwiimba oaimbilo gaLuther mEhangano.

Pakwiimba pamukalo, ongundu inayi ngambekelwa ashike eimbilo lyaLuther limwe, ihe ndyoka 168, oli li oshinakugwanithwa.

Tomas Shivute  
Ongwediva



Dr Martin Luther

Omukundu gwonena ogwo nguka; otye ta kwatha ndje ndi kale ndi na omwenyo? Eyamukulo mpaka oli vule eliko nenge uundjolowe. Eyukipalitho lyomulunde koshipala shaKalunga oyo lya shiga ko. Kalunga okwa hala uusasei wooitaali ayehe. Kalunga okuhole aantu ayehe.

Omumbisofi Dr. Schonher okwa eta oshiholelwa shOmusamaria omunamutimahenda. Okukwatha kwetu ayehe, otashi kwatelele mo aatondi yetu wo Otu na okukala tu ya hole. Jesus okwa sile wo aatondi e te ya yumukile. Otu na okutula nokuhola Kalunga komeho gashaashoka.

Magirus okwa popi ombili. "Ombili oyi na ondilo. Natu yi lalakaneneni kehe ngoka noku yi taandelitha."

Ngumbo lyomumbisofi olya taamba aayenda nolya li li na uutelekela. Konima yoshituthi onda talele po unene uilonga yaNikolaus Zinzendorf, omupapudhuki omunene muHerrnhute.

Ye mwene elenga enene nokwa gongele aakriste noya ningi aamwayinathana noya gamenwa kii-ponokela yaakolokoshi. Onda adha ko wo Anambia yamwe nonde ya yakula nevaangeli nomUulalelo Uuyapuki.

Aakriste hoka otaa gongala nawa miigongi nomomalongelokalunga, unene aagundjuka ohaa gongala nawa.

## Wittenberg ishewe

Onda mono ohenda ndi talele po Wittenberg. Mpaka oshindji osha hololwa nale komumbisofi Dumeni, ihe ngaye nandi popye ko ashike pafupi.

Onda mono egumbo lyaLuther nOngeleka ye yosikola yokombanda nOngeleka yegongalo wo. Ongeleka yeyelithoitaalo, onde yi mono wo Posheelo molumbumbu, oyi na omweelo. Pugwo

# Omukulupe ta nongeke aagundjuka

Ondjila yoye yi tsika Omuwa ngu mwiinekele, oye note yi thikitha

Paul Gerhardt, Omundowishi okwa li a popithwa kEpisalmi ndika e ta toto eimbilo ta li ti: "Iimpwiyu yoye yi tsika Omuwa."

Ngele oto mu inekele e to igandja kOmuwa, nena ote ku kwatha mwaa-yihe mbyoka tayi ku nyenge. Shika osho tashi popiwa wo meimbilo 380 mEhangano.

Omunyoli gwEpisalmi ndika oye omukulupe ta nongeke aagundjuka paverise 25. Oye omuputudhi ta pe aanyasha omaye. Itaa pumbwa okukumwa nenge ya se efupa ngele taa mono omukeenakalunga ta hupu nawa mokukalamwenyo huka kwokevi.

Omuntu gwOmuwa okwa pungulilwa uwanawa u vule mbuka. Elago lyomwiitaali otali zi mokwiinekela Kalunga. (Lesho Episalmi ndika alihe).

Aakuluntu yetu oyo omagano twe ga pewa ku Kalunga, opo ye tu pukulu-le, tse mboka twa tameke okukalamwenyo. Inatu ya dhina. Omukulugwonale okwa tile: "Omukuluntu etungwa lya siikilila ombepo."

MOmayeletumbulo, Salomo ota lombwele aagundjula ya simaneke Kalunga noya pulakene omayele gaa-kuluntu yawo Omay.1:7-9.

Omunyoli okwa tsakanekwa kepulo ndika: "Omolwashike aakaanakalunga taa piti nawa, manga aayuuki (ooitaali) taa kala momaudhigu oge-ndji?

Shika osho emakelo komwiitaali, ngele oto tala owala uulinawa woka-thimbo.

Shoka shi na ondilo, osho okwiinekela Kalunga, unene muudhigu.

Episalmi nenge eimbilo ndika otali talwa li na omutungilo gwa fa gwomakwawo ngaka 49 na 73. Omatumbulo galyo ogo iipopiwamayele yaadhiladhili yonale ngaashi mbyoka yi li membo lyaJob. Olya tengenkwa kutya olya nyolwa konima yuupika wAaisrael mu Babilon.

Aagundjuka, Kalunga okwe mu pa euvaneke ewaanawalela moshipango oshitine: Ngele omwa hala okukala mu na elago e tamu thiki sigo omukulupe, simanekeni omuntu kehe,

e mu vule.

Ando u ulukilwe mbela okaalita kondjila yoye" okuza kevalo lyoye sigo oompoka to ka hulila, oto nyanyukwa nenge oto tila? Omuntu ota vulu ngaa okutseya sha kombinga yonakuziwa ye, ihe ota nyengwa okutseya onakuyiwa. Kalunga oye awike e yi shi.

Oku na oonkondo oku ku pititha mosheelo shelago. Elago ite dhiladhila owala lyomuuyuni mbuka, ihe unene olyomegulu olyomuuyuni waaluhe". Ondjila yoye yi tsika Omuwa, nguu mwiinekele, oye ote yi thikitha." Onakuyiwa yoye yi pa Omuwa.

Aagundjuka oye na iimpwiyu yawo inaayi fa yaakokele. Omumati oku na oshimpwiyu kutya ota ka likola tu ooranda omayuvi gaali, opo a hokane. O, iimaliwa oyindji tuu.

Shika oshe eta uupyakadhi. Ongeleki ando nayi tye sha moshinima shika shoohango dhondilo tadhi mbulula omuntu. Omukadhona oku na oshi-

## Omusita gwa ELOK muTsumeb

Oshitokolitho 317 shElelongeleki numvo, osha langeke omusita Jason Amakutuwa, a ninge omusita gwaaniilonga moshilongo shongopolo, Tsumeb okutameka Septemba numvo.

Omusamane gwomimvo 66, Amakutuwa, okwa kala omuleli gwomagongalo goshitayingeleki shUuninginino ethimbo ele, nokwa adhikwa ashike a mangelulwa musho mu-Juli numvo kElelongeleki.


Amakutuwa ina pewa ashike eyakulo lyaa-niilonga yomOshomeya, ihe nomomudhingoloko wo gwasho nosho tuu iitopolwa iikwawo ayihe mUushimba.

Esiloshimpwiyu lyopambepo ndyoka Amakutuwa e li inekelelwa kOngeleki ye, olya kala komapepe gomusita omugundjuka, Gerson Maks uule womimvo dhi vule 10.

"Etokolo lyElelongeleki ndi yakule iilyo ya ELOK muTsumeb, onde li taamba nomwenyo omwanawa," osho a hololele Elelongeleki mokugaluka kwe kuNdowishilanda nkoka a tuminwe ko kOngeleki okukala pamwe nAakwaluther muuyuni miituthi yokudhimbuluklwa evalo lyomuyelithi gwei-taalo, Martin Luther.

Egumbo lye olya thigala mOwambo.

Ps. 37:5




mpwiyu, ngele ota mono tuu elugo lye mwene.

Iimpwiyu yoye yi fala kOmuwa Petr.5:7. Miiponga ote ku tumine aagameni Ps.91:11. Ayihe yetu oya tseyika kuKalunga Ps.139:3. Shoka tashi tu nyenge itashi mu nyenge. Kalunga itatu vulu oku mu holama nenge oku mu holeka sha.

Kalunga okwe tu palela nale ondjila, a hala tu yi lambe, opo tu kale tu na omwenyo. Jesus okwa ti: Ngele tamu leshe oohapu dhandje, e tamu vulika kudho, nena otamu ka tseya oshili noshili otayi mu mangelula. Joh.8:31 Okukalamwenyo kwomugundjuka naku wilikwe koohapu dhOmuwa Ps.119:9,105.

Ondjila yolela nehalo lyaKalunga oyo ndika, twiitaale Jesus Kristus oye ondjila noshili nomwenyo.

Eino Amaambo



Omusita Jason Amakutuwa ngoka a langekwa muTsumeb, okuyakula mokati kaaniilonga moshilongo shoka nomomudhingoloko gwasho.

# Oluvalo lwaasita lwa gongelwa mOkahao nuumvo

Eihumbato naye lyaana yaanashilonga nelongitho lyiimaliwa komukalo gwa puka, mOoseko, oya li ya kundathanwa noluhodhi olunene pethimbo lyoshigongi shaana yaasita, yaayevangeliste noyaadiakoni mOkahao.

Shika osha li sha popilwa wo pamwe nomaihumbato omakwawo agehe monkalathano ayihe moshilongo.

Oyana yaanashilonga ya tumbulwa, oya li yi ithanenwa moshigongi shawo showina pokati kaSeptemba nuumvo moshitayingeleki shuuninginino. Konyala aantu 80 oya li ya holoka, moka aanasikola yomOooseko taa ihilile metata lyoshigongi ashihe.

Omwa li wo mwa hiyilwa aanona aashona okuza pomimvo heyali sigo opombanda. Aadiakoni yomoshitayingeleki shoka nayo oyi ithanenwa mo, opo ya kwathe aanona mboka itaa vulu okulandula oonkundathana oonde niipopiwa ya kitakana.

Uusama moshinima shiimaliwa, monkatu yotango owa gandjwa kaavali oonakugandja iimaliwa yi vule oo-



Aanona moshigongi shaana yaasita, otaa pulakene mpaka kotundi yomudiakoni Daniel Imalwa, sho te ya fatululile omikalo omiwanawa, uuna taa ka ninga aanashilonga monakuyiwa.



Pomathimbo gamwe uunona owa kala tau loloka notau kotha. Tala ngoka kolumoho lwoye, ihe esiloshimpwiyu lyawo olya li enene opo waa kotha ashike.

mpumbwe dhuunona.

Ehiyo lyoshigongi sholudhi ndoka, omutonatelishitaingeleki shuuninginino, omusita Matti Amadhila, okwe li fatulula kutya okudhiladhilita aana yaanashilonga mbaka okukalamwenyo kwawo, kutya nako otaku uvitha wo monkalamwenyo pamwe niilonga yaakuluntu yawo.

Mokati kiikundathanwa, omutonateli okwa thindile muyo omauvito ga ye-

la, kutya yo kaye shi oluvalo lwiikalekelwa, ihe oyo oshitopolwa sholuvalo aluhe moshigwana ashihe.

“Otwa tsakanekwa komahongololo omadhigu ngiika tu vule aanona yalwe notwa shekitha ngeyi iilonga yootate,” osho gumwe gwomaana yaasita a hempulula noluhodhi olunene.

Shika osha hololwa pethimbo lyoonkundathana dhoshipopiwa: “eitaa-

lo nkene tali gamenwa,” Ombepo ayihe yoshigongi oya li tayi holola kutya oya zimina pamwe nomupopi ngoka. Poompito dhimwe akwashigongi mbaka oya holola nkene Ongeleki ya tokelwa oku ya ningila ii-gongi yomapukululo ngaashi shoka.

Iikundathanwa iikwawo ngaashi evuliko kaakuluntu, elongithonayi lyii-

kolitha neipangitho koonganga, oya li ye etwa mo wo moshigongi.

Manga tapu kundathanwa eyonuko mokati kaana yaanashilongangeleki mbaka, onda tongolola mongundu nonda koneke kutya oyendji yomuyo aalongi yoosikola aapangi, aanangeshefa osho wo oshitopolwa oshinene shoka shi li moosikola dhokombanda.

Eyonuko lyomikalo tadhi popiwa nadho odhoshili wo, ihe eputudho lyaavali mbaka aanashilonga, osha yela wo kutya haalihe lya yi momeya.

Oshigongi sholudhi nduka, osha li wo sha ningwa nomoshitayingeleleki shUukwanyama nuumvo. Mupyamunene Omukwetu ina mona uuyeleele waashono sha ningwa ko.

Muuninginino osho olutiyali okuningwa nonando maakwashigongi osha li inaashi yela nawa. Pehulilo lyaashika shonumvo oshigongi ashihe osha li sha tsu kumwe kutya oshi na okutsikila, ihe kutya uunake; osha kala epulo edhigu omolwiikwa — niipangitha.

Ombelewa yoshitayingeleki oya thigilwa epulo nyoka.

**Sebulon Ekandjo**

# OMALONDODHO GAMWE KAAVALI MEPUTUDHO LYAWO

Eputudho lyoshigwana shetu oli li po tali kana mo, unenene maalongwantu. Oye ekelehi omukalo gwokuputudha pashigwana e taa landula omikalo dhopashingolo.

Opu na evooloko enene pokati kokanona ka putudhwa pashingolo naahoka ka putudhwa pashiwambo. Uunona owindji otau putudhwa; hedha ko mumwandje, ihe nani otashi fala moshiponga.

Eputudho lyopashigwana ondi lwete kutya olya simana momukalo gwetu gwokuputudha. Omulyo mwe tu zile aalongi, aakuluntusikola, aapangi, aasita aapolitika, naaleli yiilongo.

Aantu mbaka oya putudhwa, ye shi "iizapo niyapo," ye vule oyendji ya putudhwa pashingolo. Ihe kombinga yuunona inaa putudhwa, otau holola omikalo odhindji omiwinayi.

Moongeleka uunona inau putudhwa, ohau pewa ukuku nuunamunata manga u li melongelokalunga, Aayenda ngele ye ya po, ohau galangata aayenda komalutu, ihau zi paakuluntu taa kundathana, ohashi vulika u dhenge aakuluntu yawo pokati kaantu, kau shi ku gandwa nohau ningi omeho gaantu.

Uunona mbuka mokukoka kwawo, ohau ka tsikila nomikalo dha tya ngaaka dhaa opalele. Owi igilila okulya okambaathela, onkene kosikola ihau kala noshimaliwa. Nonando u pewe kegumbo R300,00 itashi kwatha sha, konima yoshiwike shimwe oya pwa po nale.

Uunona mbuka owo uuli woongunga mooyakwawo, owo oombotsotso, owo oonkolwe oonene dhiilambo yomakende koho yoombete megumbo nomoosikola. Aahili yomakaya noshu tuu.

## Uuhethi waaputudhi

Omikalo dha tya ngeyi dhuunona dhaa opalele, ohadhi etwa kokwaaitula mo kwa gwana kwaakuluntu megumbo. Uunona ihau

## NAPU NINGWE OSHIGONGI SHAAGUNDJUKA METHIMBOTALI YA

*Okwaa na uilonga moshilongo shetu okwa fala aagundjuka yetu miiponga yokudhipaga nokuholdela, iinima mbyoka tayi eta egeelo lyaKalunga moshigwana.*

*Onkene sha pumbiwa Ongeleki yi tale nkene taku ningwa oshigongi showina moka aagundjuka yetu taa pewa iiholelwa yokutala meshito lyaKalunga, moka taa vulu okwiilonga sha nokulonga niikaha yawo yene.*

*Aamati otaa vulu okuka uiti nenge okutunga sha shoka ya hala oku shi landitha po. Aakadhona nayo wo ya tunge oontungwa nenge sha shilwe e taye shi landitha po ya mone mo iikwatha.*

*Shika oshihwepo shi vulithe sho taa dhipaga nenge sho taa igandja moluhondelo.*

Gumwe gwomaagundjuka  
Natangwe J. Pandekeni  
Windhoek

geelwa nenge u dhengwe aniwa otau kolonda.

Aakalele mboka ye li nuunona momagumbo, oya konkolwa momitse, aniwa yaa dhenge uunona weni, nonando naka kale ka ninga epuko. Uunona iimaliwa ohau yi pewa ya pitilila oompumbwe dhawo. Uunona otau longwa okuninga shaashoka, aniwa emanguluko.

## Shoka shi na okuningwa po

Omikalo dhimwe dhokuputudha odho ashike ndhoka dha kala po shito, ku shuniwe kudho, ngaashi okuganda, okugeela nokudhenga mpoka sha pumbiwa.

Omunona mu lombwela omipya ndhoka tashi vulika dhi ke mu adhe komeho, uuna a taganeka omutse gwe inaa hala okupulakena omalombwelo. Uuna ta ka ya muupyakadhi, ota ka dhimbulukwa: Onde shi lombwelelwe.

Omuvali kehe na koneke kutuya okamwana ohaka opalelwa komukalo guni, unene pambepe yako, mokuka putudha. Ngele ohaka opalelwa kelombwelo, ka lombwela shili, ngele okekumagidho, kumagidha shili noshu tuu. Okugeela kaku shi uulunde nando.

## ONDJAMBI YOMUPUTUDHI OMUHETHI

Omuputudhi inaa hala okudhenga omwana sho a yono, ota ka tsakanekwa komaudhigu ogendji muukulupe we nomipya kaadhi shi kutumbulwa. Aaputudhi otamu ka lala omitunga molwaana yeni.

Otamu ka tondwa koyana yeni, kutya mwe ya ninga oshege noshigwana ashihe. Otamu ka thikamenwa mu fute iimaliwa yaantu. Esiku kehe omoompangu. Otamu ka ninga aathigona nonando mu li ngaashingeyi aayamba.

Omagumbo otaga ka kanitha ombili, etondathano pokati komazimo otali ka tana, omolwiifuta. Omikithi otadhi ke ya omolwoma-



**Omulongi Shatipamba Niilo**

dhiladhilo gaa li pehala. Yamwe otaa ka hala yi imangeleke, ooyakwawo otaa ki ihalela eso.

Nolwahugunina, oto ki ipa ombedhi meyumuko, sho wa longo nuuhethi. Onkene omunona mu putudha nohole yaa na iihelene, e te ke ku dhimbulukwa nokonima yombila.

Oshili moka wa putudhile omumwoye, otayi ke kuhokolola koshipala shaKalunga kutya ngoye ku na ondjo yomumwoye. Ngele ta ka kana, ondjo oye mwene.

Aaputudhi, adhimitheni edhina lyaKalunga maanona yeni. Gwanitheni oshilonga shoka mwe shi pewa.

*Omugundjuka  
Shatipamba D. Niilo*



Elongithonayi lyiimaliwa moosikola, noshu wo omikalo omikwao dhilwe dhuuhasha, oya li tayi hokololwa moshigongi shaana yaasita, yaadiakoni noshu wo yaayevangeliste mOkahao numvo kutya oya dhigininwa unene kaana yaanashilonga.

# ESHASHO LYASHILI OLINI PO?

Kape na etsokumwe pokati kOonzeleki dhimwe omolwomukalo gweshasho nkene li na okulongithwa. Onzeleki ya ELOK, oshinima shika oye shi kundathana olule nuumvo pOmulonga moshituthi shokudhimbulukwa aashashwa yotango konima yoomvula 100.

Mbaka ya li moonkundathana ndhika noye tu pe uyelele owindji, oyo; omusita Tomas Shivute, Amushanga gweputudho lyopakriste mOnzeleki; omupangi Loide Mweendeleli; omusita Salomo Elago; omusita Efraim Angula omukuluntu gwOsikola yOmbimbeli; omulongi Beata Niishinda nomusita Tomas Shindongo.

**SHIVUTE:** Tate Elago, ou na sha oku tu hokololela kombinga yomikalo dhokushasha ndhoka tu dhi na methimbo lyetu?

**ELAGO:**

Johannes Omushashi sho a tameke oshilonga she, Aajuda oya li ye na omukalo gweshasho, lyiithanwa Eshasho lyaaproselite, Omuntu gwoshigwana shilwe, ngele a hala a ninge gweitaalo lyaAajuda nenge gwoshigwana shAajuda, okwe endeke meshasho.

Aanabaptist, otaa ti kutya, Ombimbeli kamu na nando otekisti tayi popi eshasho lyuunona. Aakuluntu ayeke mboka taa vulu okuhempulula oondjo dhawo nokupula eshasho. Otaa tula unene omuthindo peshasho lya-Johannes Omushashi ngashi tali hokololwa:

“Oyo noya yi kuJohannes Omushashi noya hempulula oondjo dhawo.”

Otaa kutha ishewe omahala omakwawo mOmbimbeli moka tamu popiwa eshasho lyaakuluntu. Naampoka tapu popiwa: “Nima okwi itaala nokwa shashwa.” Nomahala omakwawo mOmbimbeli.

Epulo lyawo oyo ndika kutse mboka hatu shasha uunona: Jesus ina tya ka shasheni aanona.

**SHIVUTE:** Ngoye oto ti ngiini mpaka tate Angula?

**ANGULA:**

Otu li moshituthihambeleso (pOmulonga 6.1.1983) omolweshasho lya ningilwa aakuluntu, mboka ya longwa metumo ethimbo ele. Oyo ya tameke okupula eshasho.

Eshasho lyetumo olwindji oyo ngaa eshasho lyaakuluntu. Ihe aakuluntu sho yi indjipala, nena, aanona wo oya holoka, mboka ya valwa kooitaali. Noshimpwiyu shaanona, osho tashi thiminike aakuluntu ya pulile aanona yawo eshasho. Naapuli mbaka otaa tegelele eyamakulo kaayakuli yawo.

Odhoshili kutya itatu mono ohapu tayi popi eshasho lyawo. Ihe nando itatu mono sha ngeyi sha yela, nandi tumbule omakankameno gamwe getu, nkene ehistori lyehupitho, kutya otali zimine aanona ya shashwe.

a) Shotango epitomo lyAaisrael muupika sho ya taaguluka efuta etiligane Oye ende mefuta, kokutya meso. Omuyapostoli Paulus okwa ti: Ootatekulu ayehe oya shashelwa muMoses, moshikogo nomefuta.

Oshitya shoka ayehe, oye ende mefuta, aa-

nona naakuluntu. Naayehe oya shashelwa muMoses.

b) MEtestamendi Epe wo, otamu tumbulwa pomahala ogendji, ngaashi aavu 24, ngaashi nda lesa Ombimbeli yandje, ya aludhwa kuJesus omloweitaalo lyaakwathi yawo.

Aakuluntu ooitaali mboka taa kongele aanona yawo eshasho, otatu ya yamukula pamukanka nguka. Ihe ohatu shasha aanona yooitaali, tu shi shi otaa ka putudhilwa meitaalo.

**SHIVUTE:** Wa fa to ti kutya, mOmbimbeli kamu na naanaa sha tashi popi eshasho lyaanona meukililo, ihe omifango dhowala. Omifango ndhoka oshiponga ihe?

**ANGULA:**

Nonando nee omufango, Kalunga okwa lombwele okanona kehe okalumentu ka pite etanda, shi kale edhimbulutho lyondjuvane ne yetu nane. Osho kwa nyolwa.

Etanda oyo euvaneke nehangano pokati ka-Kalunga noshigwana she. Eshasho oli na ekwatathano netanda. Ngele etanda olya ningilwa aanona, omolwashike eshasho itaali nigilwa wo aanona. Naampaka omifango tuu, omumwatate?

**ELAGO:**

Eshasho lyaanona otali kundathanwa olwindji nomadhiladhilo gaakriste otaga topoka.

Eshasho lyaanona oli na ekwatathano lya kola nesilohenda lyaKalunga negongalo tashi popiwa Mombimbeli. Ombimbeli itayi popi naanaa uunona mbo wa shashwa, ihe otamu popiwa omagumbo oga shashwa. Iil.10:44; 16:33 1Kor.1:16.

Kapu na omalimbililo, momagumbo muka omwa li uunona wo ngaashi wa li metembu lyAaisrael. 1Kor.10:4 Jesus okwa nyenye-tele mboka ya li taa kelele uunona u ye kuye. Andola Jesus okwa li a tala kutya uunona itau wapa okutaambelwa moshilongo sha-Kalunga muuyuni wEtestamendi Epe, ando e shi popi shu uka.

Onkene aakriste yotango ya tala kutya aanona yawo oye na okushashwa, noinaye shi limbililwa nando. Eshasho lyaanona inali tamanekwa muuyuni wAayapostoli nohamomagongalo gAajuda nenge ngoka gaapagani.

Ngele uunona itau shashwa, nena otatu kala kondje yoshilongo shaKalunga. Hangaashi omusamane gwedhina Hubmaier ngoka ta ti kutya, uunona ote u gandja owala moshikaha shaKalunga, a tale shoka te u ningi.

Kalunga okwa hala okugandja ohenda ye komuntu kehe. Ayihe, ehupitho neitaalo, otandi yi taamba moshikaha shaKalunga. Me-

shasho ohenda yaKalunga otayi monika kutya kayi na ongamba.

**SHIVUTE:**

Meme Loide, eshasho owe li tala otali kwatha shike? Omolwashike tu na okweeta uunona wetu keshasho nonando oyo lyu udha oontamanana?

**MWEENDELELI:**

Nonando kandi na omadiladhilo omale moshinima shika sheshasho, onda tala kutya eshasho oyo esilohenda lya gwedhele kesilohenda.

Ooitaali mOnzeleki yetu ohaa fala uunona keshasho eyapuki, e tau pewa endhindhiliko eyapuki moshipala nomontulo, e tau shashelwa medhina lyuukwatatu.

Uunona ngele wa shashwa, ihau ethiwa owala. Ohau longwa ukriste neitaalo moka wa shashelwa mo. Kombinga yandje ote pandula aakuluntu yandje sho ya li ooitaali, e taa fala ndje meshasho moka nda kokele mo.

Eshasho ndika onde li taamba noite pumbwa ndi gwedhelwe natango eshasho lilwe. Ndyoka nde li shashwa nonando nda li ndaaye li lwete ko, ondu uvite lya gwana lela.

**SHIVUTE:**

Meme Beata, oto tala ngiini owindji womeya ngoka taga longithwa peshasho?

**BEATA:**

Eshasho nando mu na oshinima oshinene shexupifo lomunhu, omu na yo ne osho sha etwa kombada, opo shi dimbulukife naau ina tula mo unene moule womwenyo oshinima shomeva. Omeva nee aa omeshasho, naa ningwe mahapu.

**SHIVUTE:**

To dhiladhila kutya, aantu naa falwe konderombe yomeya oko ya ka shashelwe?

**BEATA:**

Aye, otashi ningwa paitavelo letu, tashi ningilwa okaana ile omukulunhu. Omeva mahapu, otashi ti, melonga ino ya mo ashike eenyala nokushamina komutwe wo-kaana, ndele inda mo neke la wana.

Ame eshi nde lishashifa nda dja moupaani, omeva eshi taa pononoka taa di momutwe wange, okwa li oulenga kuame. Ondi shi shii osho oulenga nonena kwaau ta shashwa.

**Tala kep. 7**

**OSHO TUU MBELA!**

*Pahokololo 10 mukwetu No. 15.1983 epandja 4, mOngwediva omwa ningilwe oshivilo shEtumo, osho sha pelwe edina "Oshiponokela". Eongalo Oshitayi ola li lotete eshi la ongela R830,44.*

*Ongwediva onhivali ya ongela R440,81, Omuntele omutitatu R265,00 manga Ontipa tai ningi onhine yo oyo ya ongela R285,74, i dule Omuntele. Osho tuu mbela ile oipukanima ngaho?*

T. San Ngesheya

# OSHIKALIMO SHESHASHO

## SHIVUTE:

Ondi wete mpaka aasita ne mboka mu na omagongalo one tamu londodhwa mpaka. Nenge oto ti ngiini tate Shindongo?

## SHINDONGO:

Omuntu ye mwene okwa hala okuuva nkene ta gumwa egumwo olya pumbiwa. Ngele omeya taga ningi ogendji, omushashwa, okwa fa u uvite kutya oshinima oshe ya ne.

## SHIVUTE:

Tate lyaAngula, oto ti ngiini komatumbulo gaLuther sho ta ti: eitaalo otali hupitha pwaa na eshasho. Ihe eshasho itali hupitha pwaa na eitaalo.

Oto ti ishewe ngiini Luther sho ta ti: omuntu ita hupithwa moluuyuuki wamukwawo, ihe omolweitaalo nuuyuuki we mwene. Nokapu na ngoka ta ka pangulwa omolwo-kwaaneitaalo nenge oondjo dhamukwawo, ihe omolwoondjo dhe mwene nomolwokwaaitaala kwe mwene.

Ngele ando ou ka yamukule u li mondjila, nena Luther okwa puka. Nenge otamu tsakanene moshitsa shini?

## ANGULA:

Epulo otandi li ukitha manga kuElago.

## ELAGO:

Muuyuni wAayapostoli, eshasho lyaanona itali tamananwa. Osho wo omathimbo noma-thimbo inaga faathana. Luther ota popi einyengo lyi inyenge pethimbo lye. Ongaashika wo Paulus muKaakorinto, ota popi iinima mbyoka ya li po pethimbo lye.

Ngele pethimbo lyaLuther opwa li omalongo omapukithi, kutya omuntu ota vulu okuhupithwa molweitaalo lyamukwawo, shoka Luther osho ta kelele.

## ANGULA:

Tate Shivute, ngele ondi ku pule wo epulo lya tya ngeyi, kutya oto yamukula ngiini kombinga yaamboka taa si inaa shashwa?

## SHIVUTE:

Olwindji tse, otatu popi ashike shoka Ombimbeli otayi shi holola, shoka twa hololelwa. Shoka inaatu hololelwa, osho elago lyetu natse wo tu mwene moshinima shoka.

Kombinga yekano lyaamboka ya si inaa shashwa, inatu hololelwa oshindji shi tu fudhithe. Eshasho olya simana mehupitho lyomuntu. Ihe inatu li ningeni wo kutya olyo aluhe li na okuningwa tango.

Jesus mwne okwa ti, ngoka e mu itaala, oye ita pangulwa. Ihe ngoka ini itaala, oye ota pangulilwa nokuli mekano, oshoka ini itaala Epona lyaKalunga.

Mpaka Jesus ita popi nando eshasho, ihe eitaalo. Eitaalo olyo ano oshinakugwanithwa shotango, omuntu a ye mehupitho. Shoka to shi pulwa oyo u ye mehupitho.

Ihe esilohenda lyaKalunga oli vule eshasho, endindhiliko ndyoka lyokombanda.

Otashi vulika eshasho lyOmbepo oli li wo mpoka pu na eitaalo. Shika otashi gumu unene omumvu ngoka a pula eshasho, ihe omusita manga inee ya, okwa adha omumvu a sa nale.

Pahapu dhaJesus omumvu nguka a si inaa shashwa: ota vulu natango okuhupithwa.

## Omubishofi ta londwele koshikalimo shomaimbilo

Omaimbilo okwa pumbiwa mOngeleki yetu, unene oo taa kumu omunhu wopefimbo eli. Ashike oshikalimo shao nashi konakonwe yo nawa," osho omubishofi Kleopas Dumeni a kumaida oshoongalele shomusiki shoko-

mudo mOngwediva neudo.

Mepopifo laye koilyo yoshoongalele ya dja omaongalo aeshe 72 mu ELOK fiyo kOlange muSeptemba, omubishofi okwa tumbula:

"Eimbilo lEhangano nali diininwe, okambo Imbileni Omuwa naka longifwe yo melongelokalunga, osheshi aa omambo a itavelelwa elongifo lomelongelokalunga.

"Ohatu teeleele yo omaimbilo makwao a totwe nokuimbwe melongelokalunga, shimha tuu oshikalimo shao tashi konakonwa nawa, shi kale tashi nyamukula omhumbwe yomunhu wopefimbo tu li mulo."

Omuwilikingeleki Dumeni okwa ulika komalupe opatatu omo omusiki hai holoka nohai

Tala kep 10

## OKAMUTSE KOYE KOMESIKU LYAHUGUNINA ?



Oshoongalele shomusiki shi li miipundi pefimbo tashi popifwa komubishofi Dumeni. Kolumosho pombada otapu monika omapandela eengudu domaongalo



Ovafita vamwe ova kala yo moshooongalele eshi. Komesho otaku monika okudja kolulyo omufita Johannes Sindano, Rundu nomufita Fredrich Nghihalwa, Ohalushu, ou a ninga eudifo loshivilo.

# Omukundaneki Halweendo

## EKONAKONO LYE MIIPONGA YOMOONDJILA

“Efiku limwe manga nda li mondjila, handi konakona osho luhapu hashi eta oiponga yomeendjila, okonyalanyala osheendifo osho nda li musho shi lidenge mumwe nashikwao.

“Oshiponga hanga oshi holoke, shaashi omushingi wetu okwa kala ashike efimbo alishe a pwila meendjovo dohole, odo va li tava popi nokakadona oko a li nako komesho,” osho Halweendo a hovela ta kunda-neke ovanaifo.

“Oshalongo ashike omushingi wehauto eli kwa li tali tu di komesho a henunine ehauto laye divadiva, ngeno osho pamwe otu li nale muJerusalem shopombada ile pamwe twa ninga nokuli oilema.”

“Pefimbo olo hanga oihauto i lidenge mumwe omushingi winya mbela a li a pofipalekwa kohole, okwa kala e kwetelele okakadona ka tumbulwa komapepe, nokwooko kumwe, ko kumwe ku kwete koshiteelinga, ye te ka tale nawanawa momesho.

[Taku twikilwa].



OYENDJI OTAA ZIMINE  
PAMWE NAHALWEENDO,  
KUTYA IIPONGA OYINDJI  
YIIHAUTO MBYOKA TAYI  
MONIKA MOONDJILA, O-  
MBINGA ONENE OTAYI ZI  
MUUHETHI WAAHINGI.

# Vahongi vakwetu, natu shangeni omambo

ku A.L.Nghifikwa

## ETWIKILO

Oshiwana shetu osha fa tashi endebele une-ne mokukwata omahalasha ponhele yokukwata omambo, ndele nafye ovahongwanhu otwa kwatelwa mo. Osho shi na okukala ngaho?

Inandi hala oshiwana shange shi fye enota. Onda hala pa kale efimbo lokunwa nolokulesha, ndele lokulesha olo li na okukala lihapu.

Fyeni ovahongifiloka ofye tu na okuhovela tete, ndele oshiwana tashi tu shikula.

Ngeenge fye itatu lesa oolyelye ve na okulesha moshiwana shetu? Ondi shii kutya ope na vamwe mwa hovela nale, ndele kashimba eta ashike meemhele lomeva.

Apa ope na ovanhu hava lesa omhumbwe yomambo otai yelekwa nomhumbwe yoikulya, ihai xulu. Ngaashi ovanhu va kala tava li notava li fiyo onena, osho tava ka kala tava li alushe.

Osho yo va kala tava lesa notava lesa fiyo onena, sho osho tava ka kala tava lesa.

Omunhu ngeenge a kwatwa kohokwe yokulesha, ota pumbwa oileshomwa ihapu.

Embo limwe ngeenge e li mane ko ota pumbwa valilikwao. Okulesha oku na okukala omhumbwe ngaashi oku ya nokunwa. Oshiwana ihashi lesa osha kambela.

Omode yomambo nayo ohayi lunduluka ngashi yoikutu. Embo ngeenge ola di mode, ovanhu itava hale vali oku li lesa nande ou li va findile.

Osho efimano linene ngeenge oshiwana tashi lesa. Ashike oshiwana ngeenge osha kwatwa kehalo lokulesha ndele kape na omambo otashi lesa shike?

Osho ohoni inene ovahongwanhu voshiwana ngeene oshiwana sha hala okulesha, ndele kape na oileshomwa. Otwa fa tu na elao eshi oshiwana shetu ihashi lesa! Ashike eshi otashi kala fiyo onaini? Ngeenge itatu shangeni omambo, ehistol otali ke tu pa oushima.

Eputuko loshiwana otali ufywa kohokwe yasho yokulesha, kouhapu woukwatya wo-

mambo aa sha lesa. Omuleshi membo keshe ota mono mo ouyelele u fike pouyelele welixita limwe.

Kouhapu womambo aa to lesa, oko kouhapu wouyelele mondjila yaye mokukalamwe-nyo kwaye kweputuko.

Paushili omunhu oha lesa eshi a hala okulesha, iha lesa eshi a halikila a leshe komushangi. Ngeenge nde ya noshipakete shomambo taa popile omaduumbo apa, nande naa kale taa havalwa kape na ou te a tambula. Kape na ou te a lesa.

Ope na ovanhu vamwe hava diladila kutya omhumbwe yomambo otai dudu okukandulwa po noupu mokulundulula omambo aa e li momalaka oshitiyane. Ediladilo eli kali li unene mondjila.

Embo oli na okukala tali kumu okukalamwe-nyo kwomuleshi. Ope na shili omambo amwe taa wapalele okulundululwa, ashike nande ongaha elundululo oli na okutalika oshinima shopamhumbwe noshopakafimbo.

Mokulundulula embo oto tolokele omushangi walo, to mu tolokele ngaashi a popya, ito mu tolokele ngaashi wa hala a popye. Oku na okushangwa omambo, hakulundulula ashike.

Ohokwe yovaleshi kembo keshe oye likwatelela koukwatya omu tali holoka, konghedi ei la nyolwa nokepupi eli la shangelwa. Eshi oshi na okukonekwa komushangi keshe.

Ngeenge hatu popi embo inatu diladila unene oulenga wokombada ile oupamenge walo. Otwa diladila oshikalimo shalo, etumbulo eli la humbata. Ondjovo yotete membo, alushe oyo i na oshilonga. Oyo tai luku embo. Oyo tai shili ovaleshi.

Ope na ava va dimbulukwa kutya omambo amwe aa haa longifwa meefikola detu paife inaa wapalela mo, onghee ohava yandje oushima kovashangi vao.

Ove li mondjila. Ashike oshinima eshi shokuyandja ashike oushima komushangi nokumwena, osha koya nale konima yeedula nana. Paife okwa teelwa ava tava ningi po sha, notava yandje omafaneko taa tungu.

Moshinima eshi shounamambo eyandjoushima olo alike itali kwafa sha vali, nande oli ningwe lwomayovi.

Mokunyola embo oshitya keshe nashi kale sha pambafana naashi sha shikula. Etumbulo keshe nali kale ponhele yalo. Enenediladilo loshinyolwa shoye nali ninge efikilo. oko taku lihakana omatumbulo aeshe. Nali kale la holekwa la fa omulongelo u li moimbale ya mangwa. Kwata ohokwe yomuleshi!

Tala kep. 9



# Vahongi vakwetu, natu shangeni omambo

Omuleshi oye oshinima shinene. Oye to shangele. Oye u na okudiladila manga ino hove-la okushanga. Embo kali fi embo manga inaali leshwa lo inaali pandika kwaava la shangelwa.

Etumwalaka eli li li membo oli na oku-yandjwa komukalo oo ovaleshi tave li tambu-la, tave li longifa notava nwefwa mo kulo.

Embo oli na okuhongaifa omuleshi, opo a di-ladile a leshulule, a fafanife ye a koneke. Embo nali pendule omapulo momuleshi, ndele napa kale umwe ta dulu oku a nya-mukula.

Embo nali yandje efano la yela komuleshi laashi sha tongwa mulo. Nashi kale tashi du-lika okuningwa shili.

Mokushanga kwoye ou na okukala u wete efano laashi to shange olo nee to fatululile ovaleshi voye, wa fa omunhu ta ulikile ova-nhu nomunwe oshinima e shi wete.

Ngeenge ovaleshi voye otava dulu okumona efano eli to va ulikile mokutalela mehokololo laye, nena otashi ti nee omushangi okwa fi-ndana. Okwa hanga oshilalakanenwa shalo. Okwa shanga embo!

~~~~~  
Oshinyolwa eshi otwe shi pewa komutalelifikola Nghifikwa, osho a popifa nasho ovalongi moshooangalele shavo sha OTA 1982.

~~~~~  
Embo liwa oli na okuholola eeshali dopaku-shanga edi da holekwa meendunge domu-shangi nokuyeululila ouluvi womuleshi omhito yomadiladilo.

Omushangi oku na okutala nokupwilikina nawa. Oku na yo okuudafana novanhu, une-ne vepupi eli a hala okushangela.

Didilika oitya nomatumbulo aa wa panda mokambo koye u na okukala ho ende nako. Owa pumbwa yo okutala kovashangi vakwe-ni ngehe oitya nomatumbulo haa longifwa! Nyola omatumbulo maxupi, a twa. Etumbu-lo keshe nali kale tali ti sha kulo vene.

Oshitya keshe shi longifwe ngaashi tashi ti.

Oshinyolwa shoye nashi kale shi na omwe-nyo, tashi linyenge. Inoshanga keshe eshi u shii, shanga keshe eshi shi na oshilonga. Ngeenge wa mane okushanga, leshulula. Kufa mo oitya nomatumbulo aa u wete inaa pumbiwa unene.

Onawa ngeenge to yandje oshinyolwa shoye komunhu e shi ku leshele fimbo to pwilikine.

Omuniyoli ota pumbwa okukala ha diladila, ha lesha, e na ekwatafano novanhu, ndele ke na eshoshha.

Onda kundafanene novanyasha voshiwana shetu vavali konima yodula imwe nonde va pula va shange sha. Ova li ve na omalipopilo-mahapu, ashike konima yefimbo lixupi ova tumina nge oinyolwa yavo iwa, oyo i li nokuli pokuninga omambo paife.

Kashiimba ovanyasha venya ngeno kava pu-lilwe, ngeno oinyolwa iwa ngahenya ova ku-lupa shike nayo.

Vangapi vomunye ava tamu pwilikile nge paife mu na ounongo wokushanga omambo tau hepele momitwe deni fimbo mwa tee-lela ashike ooNamuhuja nooKwedhi ovo ve mu shangele omambo?

Efimbo inali fika nande mbela keshe umwe womufye a diladile shi dule lwomulongo ko-mbinga yokukufa po omukundu mounama-mbo oshiwana shetu nokuhokwifa ova-nhu vetu okulesha.

## MuNdowishilanda lyuuzilo

Dha za kep. 2

opu na oshipelende shoshikushu noka mwa nyo-lwa iiludhikitha 95 mOshilatina.

Oya nyolwa 1858 mokudhimbulukwa omumvo 1517 moka ya nyolelwe. Luther okwa homonene sho a ponokele uuhethi wOngeleki yopethimbo lye. Oshiludhikithi oshiti 36 oshi li ngeyi:

“Omukriste kehe ti itedhulula shili ....., ota hupi-thwa megeelo lyepangulo tali ya, nando kee na ombapila yedhimopo lyoondjo.”

Oshiludhikithi oshiti 62 otashi leshwa ngeyi: “Eliko lyashili lyongeleki, oyo evaangeli eyapuki lyesimano nolyesilohenda lyaKalunga.”

Ongeleka oya tungithwa komukwaniilwa Fredrik Omunandunge momumvo 1489. Oya lala ando momumvo 1503, ihe okupwa kwokwene oya pu 1511. Omufaneki gwayo aAlbret Duerer.

Wittenberg osha matukilwa kiita omumvo 1760, Ongeleka noya fikwa po. Inayi kala we yi na oshi-longa. Oya opalekululwa konima yäta yemangu-luko omumvo 1813.

Oya tungululwa pomimvo 1883 nenge 1892. Ongeleka ndjika oya mbunyuka miita yuuyuni iitiyali oya fa yomumvo 1892. Komakuma gayo okwe endjelela aatetekeli yeyelitho lyeitaalo na-nenentu yalwe meyelithoitaalo.

Okahumba oka pangelwa mOngeleka ndjoka kuFredrik Ladsgast momumvo 1861-1864. Okahumba haka oke na ominino 3000, omalimba 50 nomipepo ndatu omuthika gwako oometa 88.

Ngele to yi mOngeleka oto adha ombila yomu-kwaniilwa gwaWittenberg ngoka a lele sigo omu-mvo 1422. Ngele to tsikile, oto mono natango omadhina galwe, unene gaalongihapu; Martin Luther naFilippus Melankton ya ninga omimvo 300.

Osikola yokombanda muWittenberg, oya totwa omumvo 1502 noya tembukile kultalia 1817. Muyo oto mono edhina lyonutameki gwetumo Johannes Hendrik Wihern omumvo 1848.

Mokushanga omambo omunhu ina pumbwa oinima ihapu. Eshi sha pumbiwa opena ashike peke nombapila koshitaafula. Ndele vangapi vomufye øvehe na eepena neemba-pila? Shapu odi li ashike meendjato.

Kashiimba owa hala okupula nge kombi-nga yefimbo. Ola pumba shili, shaashi efiku oli na ashike eetundi omilongo mbali na-nhe lo osho tali kala fiyo ounyuni otau xulu.

Ashike oshoshili tuu kutya omunute keshe meetundi odo oho u longifa sha shi na oshi-longa notashi tungu?

Apa opa ongala ovashangi vomambo vaha-pu. Otava pumbwa ashike okutokola noku-hovela, nena!

Opena oi na eenghono i dule eonga, yo ohai longo oikonga inene i dule ohandje yomundi-lo ndele tai shiti ounyuni upe. Eepena dova-hongifikola voshiwana shetu onaini tadi ka shitulula ounyuni wetu u pepale meputuko nomonghalafano?

Pondika yosikola oto adha ombila yaLuther. Koshisha shoshikushu okwa nyolwa: “Mpaka otapu lala omudhimba gwaNdokotola yuukalunga uuholekwa, Martin Luther, ngoka a manene oondjenda dhe momumvo gwaKristus 1546 eti 18 lyaFebuluali moshilando shaandjawa Eisleben sho a kalele kombanda yevi omimvo 63 noomwedhi mbali nomasiku 10.”

Iipongo ye oyi li oometa mbali koki yolupa-nda lwongeleki. Popepi nombila kekuma, oto mo-no Luther e na Ombimbeli meke. Ngele to hedha ko, oto yi pombila yOmukatoolika gwahugunina omuputuki Henning Goede a sile 1521.

Ontega nombila yaLuther oku na ombila yomu-longwantu F. Melankton ngoka manga inaa gwa-nitha omimvo 21, oku li nale omulongi mosikola yokombanda. Okwa tseye Epistoli kAarooma mO-shigreka momutse.

Komeho gowalitali, oku na ombila yomukwaniil-wa Fredrik Omunandunge, a si 1525 noyamumwayina Johannes a si 1532. Mbaka aagamani aakuluntu yeyelithoitaalo, pethimbo lyawo.

Popepi noshuuvithilo, ope na omukwaniilwa Fredrik Omunandunge, a folomwa moshikushu. Oku na wo omafano omakwawo gaasimani yo-nale.

Onda talele po omagongalo nokutala oongeleka dhago niilonga yago. Uukriste kuuzilo ou na omwenyo. Oyi ipyakidhila nokwoopaleka Oongeleka noku dhi tungulula ishewe sho dha kulupa.

Kalunga na yambeke aantu ye, e ya gamene sigo e tu thikitha muukwaaluhe.

Jason Amakutuwa

~~~~~  
Aaleshi ayeheyehe yOmukwetu, omwa kundithwa nOhapu ya zi mOraamata yomuprofeti Sakaria o-nopolwa omulongonandatu. Omakundo oga zi ku P.D.Nanghaku

~~~~~

## Oufuuli omukulu moshi- wana eshi, inau ku twaalela

Onde lineekela mokati kovalessi, kape na ou ehee shi kutya oufuuli oshike. Fye vopefimbo lopaife hafye hatu litoto oufuuli, oko twe u hanga.

Omeekulu nootatekulu ova kala yo ovafuuli. Kwa li have liwapeke nomivavo di lili noku lili, naanaa ngaashi hatu ningi paife.

Omiavavo edi oda li doide, omalukula noidimba. Nande ota ende opo, ngenge omukulukadi, otapu ende odidi yomwalikadi. Komidjalo oto fuuka ashike.

Va tya eenguwo, eendjeva, eemhatela nolanda nohava kala va wapala shili. Oufuuli wavo owa li oufuuli lela.

Ashike nande va kala vafuuli ngaho, "muwa ka mane, ngenge ondjaba i na eefungu."

Kombinga yoikulya ova li hava lile momalilo taa kokoka omakoko oifima, naai yongheleinyanya. Yo nomhuku opo ngoo nee hai nangalatai lile pelilo opo.

Etiti thati koshwa. Naye mwene nande ine likosha keenyala, ota li ashike.

Paife fye ihatu lile momalilo inaa koshwa. Omatiti ohaa filwa nawa oshisho, kape na vali omunhu ha li ine likosha keenyala. Opo shiwana shange, ohandi mu pandula. Twikileni ngaho.

Ashike mefimbo letu oufuuli kombinga yoikulya, nako owa eta ko ngaho owii. Wa eta oshiponga shehanauno loimaliwa.

Opo to hange omunhu ta fuula noikulya, eshi ta shivi ohango okwa landa eebiila, omakende eewisiki, omalwishu apeshe opo. Eeshilaye oto yeke ashike edu.

Omunhu a tya ngaho eshi to ke mu hanga mongula, nepeni ngo eli lokulanda okaleke [Bubbel Gum] ke li kwete. Fye vopaife ihatu nu vali oikundu, ihatu nu meva.

Ohatu likongele oikulya ya nyika oudje ko; eenamunate, Mainstay neebrendi. Ei oberendi oha hakula nee vati oshidu, shaa we lindondola mo, vati oshidu osha ya ngoo osho. Apa ya ninga vali omuti.

Inatu hala oikulya yombiliha, ei hatu lilongele fyevene. Kwaava voufuuli wa tya ngaha, ohandi ti ashike: Akutu shili.

Ovanhu paife otava djala nawa, nedjalo nawa lavo ole va yelaayelifa nokoindele. Nale shimha ngo we uya pomuvelo weumbo la-Shilumbu, kwa tya ngo ove owa kaka, ove wa djala nai, oto tewa po ashike, vati oionga kai po.

Oufuuli ou owa eta nee omidjalo da puka moshiwana. Paife ito yoolola vali omulume-nhu nomukainhu.

Oukadona ohau djala tau fewa mefimbo letu, ashike ohava djala oikutu yeembuda kombada. Oikutu yomipambo da twa moshiya, oi-

kutu yeefingo da twa momavele.

Tava djala oumbidja va tetela pomakoto. Oikutu oyo hai limonikila koshi. Omidjalo edi odo nee da tandavelifa; ho ka mona ngoo ou ota hekula nokaana, ou okwa kuminina.

Osheshi mhedi shimha ngoo a ti ko eisho ngaho u li moshikutu sha tya ngaho, oto ke-lele riena eli. Ye ou e shi djala nee nelalaka-no olo, okwa ningilwa nee nawa.

Ukadona, lungameni oomhedi, onye hamu va ifana nomidjalo deni.

Kombinga yomakanda, eshi sha nyona po osho ashike eshi vehe kwete okuya komambo ve li modjosta. Ngenge onda li nee ihandi djala ohema ndee ekoto oli li kombada ile ohema ya ditikwa, ngenge walje.

Vati katu kwete ngoo okudjala ohema, nde nghe ya dalelwe i patwe nande eembadi oko ngo di li. Ye umwe edimo ola fa ashike lomunhu a lya oivongoti.

Oikutu yomaludi oo, hayo oufuuli. Oyo oya ningwa omutoto kovalandifi, osheshi okwa hala ashike oimaliwa.

Omuniyasha ote lipopile kutya itandi i ko koshongalele, osheshi nghi na shikutu shopovanhu. Okakutu aka kakeshe fiku, otaka yolifa nge.

Omumati ta ti, itandi i ko komambo, osheshi nghi na shuta yopofimbo. Oufuuli wa pitilila, owa etela oshiwana oupyakadi, nexuno moshiwana.

Ovalumenhu vopaife ove na eembululu momatwi, va tula eexwiki davo meekelele, tava djala oilanda, eehema inadi homwa, eembulukweva dihe li meemwiya da fa eehulukweva. Woo, oufuuli.

Oukadona paife ova tyuulwa eembululu ohamano momatwi, ve lixwa pombada yomesho nokoipeta yeenyela nakeshe tuu okakolomoto hake lixuwa. Woo, oufuuli.

Oufuuli wa ya nomomayoo, vati umwe osho a i kuNdohotola a ka ningwe oshipunguwoyo, vati ohashi monika nawa. Umwe ponhele yoku li dudifa po, ote lixu opainda itilyana.

Pamwe oufuuli wetu owa pitilila, tau etele oshiwana ehandu laKalunga?

Ohatu tange Ovatilyane ve tu etela eendjovo daKalunga, ndee ohatu va lilile yo ve tu etela oupyakadi.

To twikile, twikila, to lundulula, lundulula.  
Asser T. Hamulungu

## EPANDULO KWAAYEHE

Otandi pandula unene peha lyaakwazimo ayehe yanakusa Magdalena Uutena, Etilyasa, omolwomahekeleko omanene twe ga mwene kookuume, aashiwikile koombinga noombinga.

Oshituthi shepako osha ningilwe 15.9.1983 mEtilyasa mOngandjera.

Viktoria M. Nuukulu.

## OMUSIKI NUUMVO

Dha za kep. 7

longifwa:

a] Omusiki yeelikano, omo a ti kutya moku i imba, ohatu ehene popepi naKalunga.

b] Omusiki yehambelelo.

c] nomusiki yomOmbibeli, oyo a ti kutya otai holola oshili shomOmbibeli.

"Omaimbilo aeshe aa ngeenge taa longifwa, nashi ningwe sha yela," osho a kumaida ovapwilikini.

Omuwiliki womusiki mOngeleki meme Magdalena Kambudu, naye yo okwa popifa oshongalele fimbo shi li lela petameko nokwe shi indila omhepo yasho aishe i liyandje kuKalunga noshi fimanekife edina 10-mwene.



OMUNASHIPUNDI  
GWOSHITUTHI SHOMUSIKI,  
MEME MAGDALENA KAMBUDU  
PAMWE  
NOMUNASHIPUNDI OMUPEHA,  
OMULONGI MATEUS NHINDA  
TAA POPITHA OSHITUTHI  
NUUMVO MONDJUGO  
YHGONGI MONGWEDIVA.

## Omakundo a etelelwa kombada yomafuta

Hamushanga wOmuKwetu, onghe ngo nda tile handi uya, paife tya ne, nda aluka. Tate Kalunga okwa endifa nge nawa nokwa alula nge vali.

Ovamwatate nookaume keni meitavelo, otave mu kundu, onge kuGeneva ile kuSoomi. Ovatumwa ovakulupe novanyasha naava ve li melongekido lokuya metumo, ove mu kunda.

Ohole yetumo natango kwinya oya xwama. Moku i tala ondi na odjuulufi Tate Kalunga e i xwameke yo nomomaongalo etu.

Odjuulufi ei tu na yombili yaNamibia navo ove i na notava ilikana Omwene a nyamukule diva omapulo etungombili muNamibia. Fil.4:4-7.

MuSoomi onda li nda mona omhito okukonakona nghe hava kwafa oonakunwa oikolwifa sha pitilila. Kwinya ohava kendabala oku va kwafa shili nokuyandja omauyelele oshiponga shokunwa, osho yo ongushu noulinawa wokuhanwa.



**Omuteologi Aune Shilongo**

Ohava kwafa ava ve na odjuulufi yokumanguluka kokunwa komikalo dihapu. Oku va kwafa neenghundafana paumwe, pafimbo alishe, paungudu payoongalele nopauanamiti.

Okangudulongekidi koinima yopanghalafano mu ELOK, oke litula mo mokufaneka nghe nafye yo tu na okukendabala omu. Omanga ne omafaneko taa fiki, o a kolekwe kElélongeleki, ina tu mwena mekwafo eli.

Ohatu kendabala okulongela pamwe nouhaku-mwenyo woshipangelo, osho yo nouhaku yo nouhakulutu. Otu na eteelelo ku ka ulikwe onhele nefimbo la yoololelwa ovo va hala okukwafwa momukifi ou.

Omapulo ile omaindilo taa holoka po kombinga yokunwa kwa pitilila, naa yukifwe:

kOkangudulongekidi koinima yopanghalafano

*Ombelewangeleki,  
P.Bag 2018, Ondangwa, Oniipa*

Ohandi mu kundu amushe nomahaleloyambeko. Nehalelo eli Omwene a kwafe oshiwana shetu momukundu ou wokunwa kwa pitilila.

*Aune Shilongo*

## Okahistoli kaana yaShigambo, (aasita)

Oka hokololwa kugumwe gwomaavalwa, omusita Matias Ngipandulua moshituthi shefumviko lyomusita omukulupe David Shihepo 21.9.1983.

### 1. AANA YASHIGAMBO SHAMUKWIYU GWEMANYA:

Shigambo okwa tseyika nedhina oye Shigambo shaNärhi yingulu, Osha zi mpoka shoka Närhi oye omuputudhi gwaShigambo. Aahongi yooNärhi, ooSaari nooPettaja oya li aaputudhi yaShigambo. Edhina lyashigambo lyuudha olyo Shigambo shAmukwiyu gwEmanya.

Shigambo okwa li e na aanona oyendji, aavalwa naatekulwa. Ayehe kumwe oya li 15 naatekulwa 3. Yatano yomuyo oya mana po oondjenda. Omavalo nomadhina gawo ota ga landula mpaka:

1. 1937 Johannes Itope oye osheeli shawo. Ondenge dhawo odho;
2. 1937 Paulus Shiyagaya aakwanambwiyu
3. 1942 David Shihepo,
4. 1949 Risto Uushona,
5. 1954 Matias Ngipandulua,
6. 1955 Johannes Nantinda,
7. 1962 Hosea Nampala, naLasarus Ngipandulua aakwanambwiyu
9. 1965 Salomo Elago aakwanambwiyu na
10. 1965 Sakeus Shaduka,
11. 1970 Heikki Panduleni Uushona,
12. 1972 Set Son Shivute,
13. 1974 Petrus Shivute,
14. 1978 Simon Shiwagala,
15. 1983 Viliheikki Shivute onkelo
  1. Aatekulwa oyo Juuso Ngaikukwete, 1925, a yakula pOyovu.
  2. Filippus Henok, 1978, ngoka ta yakula mosikola yokombanda yaShigambo.
  3. Tomas Iihuhwa 1980 a tendelwa oshikokola Oshitutuma.

Aana yaShigambo mbaka, ayehe oya longo pamwe nanakusa tatekulu David Shihepo, notaye mu dhimbulukwa ongomukuluntu nomuputudhi gwawo.

### 2. Omusita gwtango omuvalalwamo mOshigambo

Omumvo 1942 olwotango Oshigambo sha pewa omusita omuvalalwamo. Aashigambo otwa adhika twi igilila aasita Aatiligane mboka hatu ti: "aahongi".

Omuhongi Heikki Saari oye a kala he mu thindikile moshiyambelo. Sho kwa li kwa ningwa eshasho lyaapagani, omusita Omuludhe sho a holoka, omuhongi Saari okwa li e na iilonga yokupukulula aantu yaa kale ashike ye mu ngundumanena, ihe ya uke ngaa komusita Omuludhe.

Antu oya yi kuye okaendanampadhi. Onde shi koneke nkene tatekulu David a kala a thikama olwindji kee na aashashwi. Ayehe oya ndumbala ashike pomuhongi Omutiligane.

Sho twa piti mo, onde ya uwu pondje taya ti:

"Ngame mukweni onda shashwa kOmutili-

gane". Mboka ya shashwa komuhongi omuludhe oya mwena owala. Ndaa shi ya limbililwa, ndaa shi yu uvite nayi, kandi shi wo shoka sha li momadhilashilo gawo, oshoka inaya tya sha.

## Rusia ta yamukula Ongeleki

Epangelo lyaRusia olya taamba ombilive yEhangano lyOongeleki onkwaLuther muuyuni (LWF), nepandulo enene nolya holola omadhiladhilo gesimaneko lyehalo ewanawa lyOongeleki okutsikila ekondjo lyayo omolwombili neuvathano ewanawa pokati kiigwana.

Ombelewa yAakwaluther muuyuni auhe, muGeneva, oya tumine etumwalaka kuYuri Andropov omupresidente gwaRusia nokuLeonald Reagan omupresidente gwaAmerika, opo aaleli mbaka yaali ya ninge po shono tashi ka eta ombili pokati kiigwana. (Tala Omukwetu No.18/1983 ep.2.

Eyamukulo lyomuleli gwaRusia kombilive yOongeleki, oyu ulike omunwe guusama kuAmerika noya tsikile ya ti:

"Rusia ota kambadhala okudhiginina ehumokomeho lyomoonkundathana dhe naAmerika nodha thika nale nokuli metatakati, kakele ashike Amerika ngoka ta tsikile nuukukutu we womapulo gaanamutse nondungu, kutya engushuluko lyomatati nali ningwe ashike kombinga yaRusia.

Onkatu ndjoka Rusia a katuka komeho muAguste 27, numvo, otayi shi ulike natango sha yela nkene tse tatu ningi ashike tatu vulu opo tu pite po mpoka pwa kakatela oonkundathana, dho dhi adhe euvathano tali taambwa koombinga adhihe."

Omuleli gwaakomunisi okwa hulitha ombilive ye nomatumbulo taga landula:

"Oshigwana shaRusia oshi na natango etegameno kutya ehala lyokukeelela eyonuko tali zi miikondjitho yolute mbyoka tayi tilitha Europa nuuyuni auhe, ngaashi tashi uvika koombinga adhihe dhuuyuni, otali ka thiminika elelo lyaAmerika naAyamerika ayehe, opo moonkundathana dhetu muGeneva ya dhiladhilulule yo yu ulike euvitoshimpwiyu lyawo lyokwaadha euvathano mombepo ombwanawa.

"Taamba ano, Amushanga omusimanekwa, uukwashili wetu kutya oshinima shoka otwe shi taamba nesimaneko enene."

Sigo opethimbo oshinyolwa shika tashi yi kehogololo, inaku uvika sha ngele naAmerika osho tuu a ka yamukula Ongeleki nenge "kemanya ku za wo ontsi."

## Shoka nde shi popi, onde shi popi: Hurley

Omupresidente gwoshigongi shaambisofi yaKatoolika kaRooma muumbugantu waAfrika, omumbisofi omukuluntu Denis Hurley, okwa ti kutya ye ita lundulula nando oohapu dhe, shoka e shi popya osha pwa.

Omumbisofi Hurley okwa popile petameko lyomumvo nguka, kutya etanga lyegameno lya SA muNamibia, otali hepeke aakalimo.

Aapolosi ya SA oya li ihe ye mu londodha kaa tsikile nomapopyo ngoka, okuninga tu ulike uuzapo washwa.

Konima yokudhiladhila iilanduli noshikalimo ashike shoochapu dhe, omumbisofi okwa tokola okukala moohapu she dhotango.

## E tu tetekele

Omulongi omukulu Simon waJona (Muafo-  
ngwe) pOmodudu, mEndola, okwa xulifa  
oweenda waye 26.7.1893 moshipangelo sha-  
Shakati.

Oshilonga shoulongi, nakufya okwe shi  
tameka mhanga ina shashwa nokuli, ngaashi  
vahapu vovahongwa vaye tave shi hokolola.  
Okwa longa pOnanghulo, Endola, nopOmu-  
ndudu opo a longa fiyo omopenzela yaye  
1975.

Mehepu longhalo yaye omwa dimbulukiwa  
kutya nakufya okwa li e hole olwiimbo nokwa  
endaenda nongudu yaye yolwiimbo keembi-  
nga neembinga.

Oye omunambili, e hole oilonga. Ondjovo  
yaye yaxuuninwa okulekela ovaitaveli va-  
kwao, okwe i lombwela omufita weongalo  
lavo, fimbo e li moshipangelo ta ti:

‘Meumbo laTate omu na eenhele dihapu ...  
Joh.14:1-4.

Oshivilo shepako osha ningwa pOmundudu,  
oshinagoga yaNdola, nopwa li eembunga  
dovanhu. Ova umba ongalo yemanya oyo ya  
dja shi dule R100,00.

Okwa xulifila moukulupe weedula tadi te-  
ngenekwa di dule efele nokwa fiya ko omufi-  
yekadi waye nounona 11, ovatekulu 50 nova-  
tekulululwa 10.

Fye oonakufiwa po ohatu pandula unene  
amushe ovo mwe tu yakula moshipangelo  
shaShakati, naamushe mwa tondokele  
onghuwo nomwe tu hekeleka onge nomai-  
mbilo, nomailikaneno, nomatumwalaka ile  
nomauditohekeleko.

Kalunga ne mu wedeleko.

Saby A. Muafongwe  
Onhowele yanakufya

## OLWEENDO LWAAGUNDJUKA KEFUTA

Osheendo shaagundjuka ye thike lwopethele  
limwe moshitayingeleki shOndonga, osha tegele-  
lwa shi talele po efuta lyaSwakopmund petameko  
lya-Desemba numvo.

Etseyitho olya zi momelewa yepipi ndyoka  
omasiku ngaka, mOniipa.

Pafatululo lyomuwiki gwaagundjuka moshi-  
tayi shoka, omuyevangeliste Gottlieb Many,  
olweendo olwa kundathanwa kEwilikongundu  
lyaagundjuka nolwa ziminwa. Nelalakano lyo-  
tango okuuvithila aapopi yOshiwambo koshito-  
polwa shoka nopatiyali okutala wo uunshitwe  
waahwiya.

Egongalo kehe lyomomagongalo goshitayi shO-  
ndonga ge vule 20, omwa tegelelwa mu ze aagu-  
ndjuka yatatu sigo yane, osho omusamane Ma-  
nya a fatulula.



OMuwilikingeleki omupe gwOngeleki yAa-  
ndowishi muNamibia, Willfried Blank,  
ngoka a langekwa moshilonga omasiku  
ngaka mOvenduka. Omumbisofi Dumeni,  
okwa li a kalele po Ongeleki yetu melangeko  
ndyoka. Efano olya thanekwa pethimbo  
lyetalelopo lye mOwambo muJuli numvo,  
mOlukonda, sho taa kuutumba pamwe  
nomusita gwomayelithilo mu ELOK, Petrus  
Shipena.

### OYA THIKA NA WA IIKWATHA YENI

*Ootate naamati yetu aanandjunga mu CDM,  
otwe mu pandula unene sho mwa matuka ompu-  
mbwe yomuzalo gwomusitagongalo gwetu sho  
mwe shi ningi mewiliko lya tate E. Ausiku  
[Shitwe]*

*Okandumba R31,54 oka thikile nawa moshinya-  
ngagongalo shaNakayale. Ngashingeyi iikonge-  
leni ashike ompito, mu ye mu tale "Muhongi"  
o opala moshituthi shelongelokalunga Osoondaha  
kehe.*

Kaino Taapopi  
Amushanga gwegongalo

## Oshinakugwanithwa shaagundjuka methimbo tali ya

*Aagundjuka aaholike ondi nu ondjuulukwe tu  
popyeni, tse tu mone uunongo nuukalinawa wa  
pumbiwa komugundjuka kehe.*

*Onda hala tu etheni omadhiladhilo gokunwa  
iikolitha yoludhi kehe, oshoka oyo olunza lwoku-  
yona okukala akuhe kwa ndjanga, tse tu pendu-  
the po oshigwana shetu.*

*Aagundjuka, one aaleli yokomongula. Nongele  
osho ngeyi, nena oshigwana tashi lelwa koonko-  
lwe, otashi kala momaudhigu ogendji.*

*Aanashilonga mboka ye li po nena, otaa ka ku-  
lupa, ihe olye ta ka tsikila ko? litsa yimwe yoku-  
kwatha mekondjitho lyoonkolwe:*

*X Konga ookuume aape mboka ihaa nu,*

*X Konga ookuume aape mboka ihaaya nu,  
oyo u ende nayo.*

*X Galikana Kalunga e ku kuthe iikolitha  
komwenyo.*

*X Kala ho sokonona uuwinayi u li miikunwa.*

*X Konga omakwatho koonдохотola nokaahungi-  
mwenyo uuna wiinvite uupika wiikolitha.*

*Uuyogoki woshilongo, ohau eta eyambeko olindji.*

S. T. J. Ashikoto

## Ou shi tuu edhina lyoye shoka tali ti?

Aantu muuyuni sho taa luku omadhina  
gomalaka nogomihoko dhawo, oya hala uu-  
kwashigwana wawo u kale po tau tsikile sigo  
okomalualo nomalualo taga ka landula.

Shika hasho ando oku ku keelela omadhina goo-  
kuume koye aakwillongo, ihe tala ashike kutya  
nayo wo nando ya kale ookuume koye, kaye na  
siku ya lukile omadhina goshigwana shoye.

Nenge Omundowishi a luke edhina lyOshihero  
ooKaura, ooKahimise nenge ooRiruako?  
Ngoka we shi mona, yamukula moshifo tashi la-  
ndula. Ano inaa hala okulanda po nokweekelahi  
uukwashigwana wawo.

### Omadhina omakwawo

Filippus — kuume koonkambe

Filippa — e hole oonkambe

Primus — gwotango

Walter — ia pangele

moshigwana

Werner — ngoka ti igamene

Wilhelm — e na egala

lyomolugodhi

Gebhard — oha gandja omagano

Gelasius — omunyoli

Gerhard — a kola ngegongamwele

Germanus — omumwayina

Linus — omunyenyeti

## E TU THIGI PO

Omukokele meme Elina Moses mEpembe  
mOndonga, okwa mana oondjenda dhe 13.8.  
1983 moshipangelo shaNandjokwe, muuko-  
kele wombimvo 64. Okwa thigi po omusa-  
mane gwe, aanona yatano naatekulu 28  
nokatekulululwa kamwe.

Omuwa na kale pamwe naayehe mboka ya li  
ye tu yakula noku tu hekeleka, ongele no-  
magalikano nenge nomakumagidho gooha-  
pu dhaKalunga. Olupandu lweni taleni  
Rom.12:9-16.

N. M. Nghiidipaa  
Gumwe gwomolualo

### OMUKWETU

Oye oshifo shOngeleki Onkwaevangeli paLuther  
yomOwambokavango.

Ohashi nyanyangidhwa mOshinyanyangidho shO-  
ngeleki mOniipa.

Omukuluntu gwoshifo omumbisofi. Dr. Kleopas  
Dumeni,

Amushanga gwoshifo omusita Sebulon Ekandjo

Ondando yOmukwetu muNamibia naSuid-Afrika  
R 5,00 komumvo.

Palwe muAfrika R 8,00 nokombanda yomafuta 11,00,  
komumvo. Mondhila R 13,00.

Oondando nomambestelo agehe naga tumwe kOmu-  
kwetu, Oniipa, P.Bag 2013, Ondangwa, 9000

EV. LUTH. OWAMBOKAVANGO CHURCH PRESS  
PRIVATE BAG 2013, ONDANGWA 9000  
SWA/NAMIBIA